



Universitätsbibliothek Paderborn

V. P. Gasparis Družbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Družbicki, Societatis Jesu, Tribunal Conscientiæ Per Varias
Examini Industrias seipsam dijudicantis, Tendentibus ad perfectionem,
præsertim Religiosis accommodatum

Družbicki, Kaspar

Ingolstadii, 1732

VD18 90066413

Industria VII. Ratio examinandi Conscientiam, per postulationem à Deo, ut
ille indicet, quid de nobis nostrisque operibus judicet.

urn:nbn:de:hbz:466:1-45441

denti, nota, eam in primis fore tunc utilissimam, quando erit usitatissima. Deinde ad minuendum in ejus usu laborem, puto expedire, habere indiculum vel in memoria, vel in oculis, omnium tam horarum, quam actionum. Præterea, judico expedire etiam, in eundem finem, ut habeatur indiculus Regularum, sive observationum in unaquaque actione observandarum; sic enim facilius erit videre, quid unicuique actioni, non solum insit imperfectionis, sed etiam desit perfectionis, facilius item erit confiteri Deo, & sese accusare apud illum, de singulis: efficaciora quoque erunt proposita emendationis ad particularia respicientis, & distinctè proponentis, quam ad generalia, & confusè intuentis.

INDUSTRIA VII.

Ratio Examinandi conscientiam, per Postulationem a Deo, ut ille indicet, quid de nobis, nostrisque operibus judicet.

*i. Moral.
cap. 17.*

SANCTUS Gregorius Magnus ait: *Sæpe melius scrutamur conscientiam nostram orando, quam inquirendo.* facit Sancti Patris dictum, ad proximè positas Industrias: facit & ad hanc, quam in præsentem tradere aggredimur, in qua etiam modum Examinis præscribimus orationi conjunctum & oratione peragendum, & quidem hac ratione. 1. Accedat homo mente saltem & corde ad Deum, eumque præsentem habens, atque adorationis & reverentiæ cultu honorans, ejus sese oculis totum, quantus quantus est, subiciat.

2. PE-

2. PETAT à Deo lucem veram, quâ illuminatus poſſit cognoſcere ſeſe in Dei lumine, qualis ſit? quid ei deſit? quid Divinis in ipſo diſpliceat oculis? &c.

3. PETAT à Deo cum omni humilitate, & fervore, ut illi ipſemet Deus dignetur ſuum de ipſo ſenſum judiciumque aperire.

Atque hujus Petitionis Praxis hæc eſſe poterit.

DEUS qui es lux vera, claritas infinita, ſapientia æterna, veritas & veracitas, falli & fallere neſcia ſpeculum immaculatum, ecce adſum coram mundiffimis ſanctiffimisque oculis Majeſtatis Tuæ, meque Sapientiæ Tuæ totum, totaliter notum, totum nihilominus, totaliterque pro mea parte, & ex mea voluntate noſcendum ſubjicio. *Illustra queſo faciẽ tuam ſuper me ſervum tuum, & illumina me lumine tuo veraci, & veritate tua lucente, ut illuminer in me, & cognoſcam me, ſicut cognoſcor abſ Te. Dic obſecro Domine Deus meus, dic mihi ſervulo tuo, ſupplici tuo, mancipio & jumento tuo, quidnam majeſtatis, & Sapientiæ Tuæ, nitidiſſimis oculis diſpliceat in me, in quo hodie defeci coram Te, quid commiſi contra Te, & contra voluntatem tuam, Sponſam meam. Dic obſecro quid diſpliceat Tibi in iraſcibili, & concupiſcibili facultate mea, & in tota ſuperiori parte mea, in Paſſionibus & in potentiis meis, in ſenſibus internis & externis omnibus. In membris ac partibus univerſis, in actionibus ſive liberis, ſive involuntariis, in imperatis & arbitrariis, in proſiſtis & debitis, in labore, otio, in ſonno, in ſermone, in conviãtu communi, in converſatione externa, domeſticaque, in conſiliis, in factis, in officio meo, & in ejus praxi atque executione,*

12

et

III

ne. Dic obsecro quid displiceat Tibi, in ordinariis, & extraordinariis occupationibus & operibus meis, in surrectione mea, in oratione, in sacro, in studiis, in cibo, & potu, in relaxatione, in confessionibus, in concionibus, lectionibus, examinibus, colloquiis meis, in omnibus denique motibus meis. Dic obsecro Domine quid displiceat Tibi in Perfectione & Religiositate, & statu meo, interno, in Fide mea, in spe, in charitate Tui, & Proximi. In Paupertate, Puritate, Obedientia, in Disciplina, vita, Observatione communium Regularum. In studio Penitentiae, & humiliationis, patientiae, condonationis injuriarum. In ordine temporum & actionum, in mansuetudine, & lenitate, suavitate, affabilitate, in gravitate, modestia, maturitate, equalitate, in conatu & fervore proficiendi, in reverentia & reverenti Tecum, & coram Te conservatione. In Puritate & frequentia Intentionis, orationis, ad Te recursus, & reditus, abs Te mendicationis & Postulationis. In Fidelitate ad Te, gratitudine pro beneficiis, beneficiorum bono usu, in resignatione ad omnem voluntatem tuam, sub quacunque tandem specie & facie, conditione & circumstantia, &c. Dic obsecro mihi Domine Deus meus, lux mea, scientia & Sapientia & directio mea, dic, inquam, mihi, quid requiras & desideres à me, & in me, quid in Tui gratiam, quid ad gustum tuum fieri velis à me, in me, de me, per me, circa, & contra me, quid perferri, quid subiri, velis à me. Dic obsecro, quomodo, quo fructu, exitu, quibus in circumstantiis, fieri, vel perferri velis à me, & similia mihi ó Domine vires, ut fieri & sustineri possis à me, secundum placitum voluntatis tuae. Ecce ego Domine servus, mancipium, jumentum tuum adsum, coram